

## АКАФИСТ ПРЕСВЯТОЙ ВЛАДЫЧИЦЕ НАШЕЙ БОГОРОДИЦЕ

### Кондак 1

Взбранной Воеводе победительная, яко избавльшися от злых, благодарственная восписуем Ти раби Твои, Богородице; но яко имущая державу непобедимую, от всяких нас бед свободи, да зовем Ти:

**Радуйся**, Невесто Неневестная.

### Икос 1

Ангел предстатель с Небес послан бысть рещи Богородице: радуйся! и со безплотным гласом воплощаема Тя зря, Господи, ужасашеся и стояше, зовый к Ней таковая:

Радуйся, Еюже радость возсияет;

Радуйся, Еюже клятва исчезнет.

Радуйся, падшаго Адама воззвание;

Радуйся, слез Евиных избавление.

Радуйся, высотó, неудобовосходима человеческими помысли;

Радуйся, глубинó, неудобозрима и ангельскими очима.

Радуйся, яко еси Царёво седилище;

Радуйся, яко носиши Носящаго вся.

Радуйся, звездó, являющая Солнце;

Радуйся, утробо Божественнаго воплощения.

Радуйся, Еюже обновляется тварь;

Радуйся, Еюже поклоняемся Творцу.

**Радуйся**, Невесто Неневестная.

### Кондак 2

Видящи Свята́я Себе́ в чистоте́, глаголет Гаври́лу дерзостно: пресла́вное твоего́ гласа́ неудобоприятельно́ души́ Моёй явля́ется: безсе́меннаго бо зачат́ия рождество́ како́ глаго́леши, зовый: Аллилу́ия.

### Икос 2

Разум недоразумеваемый разумети Де́ва ищущи, возопи́ к служа́щему: из боку́ чисту, Сы́ну како́ есть родит́ися мо́щно, рцы́ Ми? К Нейже он рече́ со страхом, обаче зовый́ сщце́:

Радуйся, совета́ неизреченнаго́ Тайннице́;

Ра́дуйся, молча́ния прося́щих ве́ро.  
 Ра́дуйся, чуде́с Христо́вых нача́ло;  
 Ра́дуйся, велений Егó главизно.  
 Ра́дуйся, ле́стнице Небе́сная, Ё́юже снѣде Бог;  
 Ра́дуйся, мо́сте, преводя́й су́щих от земли на Не́бо.  
 Ра́дуйся, А́нгелов многосло́вущее чу́до;  
 Ра́дуйся, бесо́в многоплаче́вный стру́пе.  
 Ра́дуйся, Свет неизрече́нно родившая;  
 Ра́дуйся, е́же како, ни еди́наго же научи́вшая.  
 Ра́дуйся, премудрых превосходя́щая ра́зум;  
 Ра́дуйся, ве́рных озаря́ющая смы́слы.  
 Ра́дуйся, Невѣсто Неневѣстная.

### Кондак 3

Си́ла Вы́шняго осени́ тогда́ к зачатію Брако́неиску́сную, и благопло́дная  
 То́я ложесна́, я́ко село́ показá сла́дкое, всем хотя́щим жа́ти спасе́ние, внегда́  
 пе́ти си́це: Аллилу́ия.

### Икос 3

Имүщи Богоприятную Де́ва утробу, востече́ ко Елисавети: младе́нец же  
 о́ноя, а́бие позна́в Сея́ целова́ние, ра́довашеся, и игра́ньми, я́ко пе́сньми,  
 вопия́ше к Богоро́дице:

Ра́дуйся, о́трасли неувяда́емая розго́;  
 Ра́дуйся, Плода́ безсме́ртнаго стяжа́ние.  
 Ра́дуйся, Де́лателя де́лающая́ Человеколю́бца;  
 Ра́дуйся, Сади́теля жи́зни на́шея ро́ждшая.  
 Ра́дуйся, ни́во, растя́щая гобзова́ние щедро́т;  
 Ра́дуйся, трапéзо, нося́щая оби́лие очище́ний.  
 Ра́дуйся, я́ко рай пи́щный процвета́еши;  
 Ра́дуйся, я́ко пристáнище душáм гото́виши.  
 Ра́дуйся, приятно́е моли́твы кади́ло;  
 Ра́дуйся, всего́ ми́ра очище́ние.  
 Ра́дуйся, Бо́жие к сме́ртным благово́ление;  
 Ра́дуйся, сме́ртных к Бо́гу дерзнове́ние.  
 Ра́дуйся, Невѣсто Неневѣстная.

Кондак 4

Бурю внутри имея помышлений сумнительных, целомудренный Иосиф смятёся, к Тебе зря небрачней, и бракоокрадованную помышляя, Непорочная; увёдев же Твоё зачатие от Духа Свята, рече: Аллилу́ия.

Икос 4

Слышаша пастырие Ангелов, поющих плотское Христово пришествие, и текше яко к Пастырю, видят Сего яко агнца непорочна, во чреве Мариине упасшася, Юже поюще, реша:

Радуйся, Агнца и Пастыря Мати;  
Радуйся, дворе словесных овец.  
Радуйся, невидимых врагов мучение;  
Радуйся, райских дверей отвержение.  
Радуйся, яко Небесная срадуются земным;  
Радуйся, яко земная сликовствуют Небесным.  
Радуйся, апостолов немолчная уста;  
Радуйся, страстотерпцев непобедимая дерзосте.  
Радуйся, твердое веры утверждение;  
Радуйся, светлое благодати познание.  
Радуйся, Еюже обнажися ад;  
Радуйся, Еюже облекохомся славою.  
Радуйся, Невесто Невестная.

Кондак 5

Боготечную звезду узревше волсви, тоя последоваша заре, и яко светильник держаще ю, тою испытаху крепкого Царя, и достигше Непостижимаго, возрадовашася, Ему вопиюще: Аллилу́ия.

Икос 5

Видеша отроцы халдейстии на руку Девичу Создавшего руками человеки, и Владыку понимающе Его, аще и рабий прият зрак, потщашася дарми послужити Ему, и возопити Благословенней:

Радуйся, Звезды незаходимыя Мати;  
Радуйся, заре таинственного дне.  
Радуйся, прелести пещь угасившая;  
Радуйся, Троицы тайники просвещающая.  
Радуйся, мучителя безчеловечнаго изметающая от начальства;

Рáдуйся, Гѡспода Человеколѡбца показáвшая Христá.

Рáдуйся, вáрварскаго избавляюща́я служéния;

Рáдуйся, тимéния изымáющая дел.

Рáдуйся, огня́ поклонéние угасíвшая;

Рáдуйся, пла́мене страстéй изменяюща́я.

Рáдуйся, вѣрных Настáвнице целомудрия́;

Рáдуйся, всех родѡв весéлие.

Рáдуйся, Невéсто Неневéстная.

### Кондак 6

Проповѣдницы́ богонѡснии бѣвше волсвѣ, возврати́шася в Вавилѡн, скончáвше Твое́ прорѡчество, и проповѣдавше Тя Христá всем, остави́ша Ирода́ я́ко буеслѡвца́, не вѣдуща́ пѣти: Аллилу́ия.

### Икос 6

Возсия́вый во Егíпте просвещéние истины́, отгна́л еси́ лжи́ тьму: идоли́ бо егѡ́, Спа́се, не терпя́ще Твоея́ крѣпости, падо́ша; сих же избáвльшиися вопия́ху к Богорѡдице:

Рáдуйся, исправлéние челове́ков;

Рáдуйся, низпадéние бесѡв.

Рáдуйся, прѣлести́ держáву попра́вшая;

Рáдуйся, идо́льскую лесть обличíвшая.

Рáдуйся, мо́ре, потопíвшее фараѡна́ мь́сленнаго;

Рáдуйся, ка́меню, напои́вший жа́ждущия́ жízни.

Рáдуйся, о́гненный́ стѡлпе, наставля́яй сущи́я во тьме;

Рáдуйся, покрѡ́ве ми́ру, ширши́й ѡблака.

Рáдуйся, пи́ще, ма́нны приѣмнице́;

Рáдуйся, сла́дости́ святѣ́я Служите́льнице.

Рáдуйся, землѣ́ обетова́ния;

Рáдуйся, из нея́же течёт мед и млекѡ́.

Рáдуйся, Невéсто Неневéстная.

### Кондак 7

Хотя́щу Симеѡну́ от ны́нешняго вѣка́ престáвитися прелéстнаго, вдался́ еси́ я́ко младе́нец томѹ́, но позна́лся еси́ е́му и Бог соверше́нный; те́мже удиви́ся Твое́й неизрече́нной премудрости́, зовѣ́й: Аллилу́ия.

### Икос 7

Нóвую показá тварь, явлься Зиждитель нам, от Него б́вшим, из безсе́менныя прозяб утробы, и сохранив Ю́, якоже бе, нетлѣнну, да ч́до видяще, воспойм Ю́, вопи́юще:

- Ра́дуйся, цвѣте нетлѣния;
- Ра́дуйся, вѣнче воздержáния.
- Ра́дуйся, воскресѣния образ облистáющая;
- Ра́дуйся, а́нгельское жити́е явля́ющая.
- Ра́дуйся, дре́во светлоплодо́витое, от него́же пита́ются вѣрнии;
- Ра́дуйся, дре́во благосенноли́ственное, имже покрывáются мно́зи.
- Ра́дуйся, во чре́ве нося́щая Избáвителя пленѣнным;
- Ра́дуйся, рóждшая Настáвника заблúждшим.
- Ра́дуйся, Судии́ праведнаго умолѣние;
- Ра́дуйся, мно́гих согрешѣний прощѣние.
- Ра́дуйся, одѣждо нагíх дерзновѣния;
- Ра́дуйся, любы́, всякое желáние побежда́ющая.
- Ра́дуйся, Невѣсто Невѣстная.

### Кондак 8

Стáнное рождество́ видевше, устрани́мся мíра, ум на Небеса́ прелóжше: сего́ бо ра́ди вы́сокий Бог на земли́ явися смире́нный Человѣк, хотя́й привле́щи к высотѣ То́му вопи́ющия: Аллилу́ия.

### Икос 8

Весь бе в ни́жних, и вы́шних ника́коже отступí неопíсанное Сло́во: снизхождѣние бо Божѣственное, не прехождѣние же мѣстное бысть, и рождество́ от Дѣвы Богоприятныя, слы́шания сия́:

- Ра́дуйся, Бо́га невместíмага вместíлище;
- Ра́дуйся, честна́го таинства двѣри.
- Ра́дуйся, неvéрных сумнительное слы́шание;
- Ра́дуйся, вѣрных извѣстная похвалó.
- Ра́дуйся, колесни́це пресвятáя Сýщаго на Херувíмех;
- Ра́дуйся, селѣние преслáвное Сýщаго на Серафíмех.
- Ра́дуйся, противная в то́жде собравшая;
- Ра́дуйся, дѣвство и рождество́ сочетáвшая.
- Ра́дуйся, Ё́юже разрешíся преступлѣние;

Рáдуйся, Ёюже отвёрзеса рай.

Рáдуйся, ключу Цáрствия Христо́ва;

Рáдуйся, надёждо благ вѣчных.

Рáдуйся, Невѣсто Неневѣстная.

### Кондак 9

Всякое естество́ А́нгельское удивіся вели́кому Твоего́ вочеловѣченія дѣлу: неприступнаго бо яко́ Бóга, зряше всемъ приступнаго Челове́ка, нам́ убо спребыва́юща, слы́шаща же отъ всехъ: Аллилу́ия.

### Икос 9

Ветія́ многовещáнная, яко́ рыбы безгласныя видимъ о Тебѣ, Богородице: недоумева́ютъ бо глаго́лати, е́же како́ и Дѣва пребыва́еши, и родити возмогла́ еси́. Мы же та́инству дивя́щеся, вѣрно вопи́емъ:

Рáдуйся, премудрости́ Бóжия пріятелище;

Рáдуйся, промы́сленія Егó сокровище.

Рáдуйся, любомудрыя немудрыя явля́ющая;

Рáдуйся, хитрословесныя безсловесныя облича́ющая.

Рáдуйся, яко́ обуя́ша лю́тии взыскáтеле;

Рáдуйся, яко́ увядо́ша баснотворцы́.

Рáдуйся, афинейская́ плетѣнія растерза́ющая;

Рáдуйся, рыбарскія мре́жи исполня́ющая.

Рáдуйся, из глубины́ невѣденія извлача́ющая;

Рáдуйся, мно́ги в рáзумѣ просвещáющая.

Рáдуйся, кораблю́ хотя́щих спасти́ся;

Рáдуйся, пристáнище житѣ́йскихъ пла́ваний.

Рáдуйся, Невѣсто Неневѣстная.

### Кондак 10

Спасти́ хотя́ мир, Иже́ всехъ Укра́ситель, к сему́ самообетова́н прійде, и Па́стырь сый, яко́ Бог, нас́ ра́ди явися́ по намъ Чело́векъ: подобнымъ бо подобное́ призва́в, яко́ Бог слы́шитъ: Аллилу́ия.

### Икос 10

Стена́ еси́ дѣвамъ, Богородице́ Дѣво, и всемъ к Тебѣ́ прибега́ющимъ: ибо́ Невесѣ́ и земли́ Творецъ́ устрои́ Тя, Пречы́стая, вселься́ во утробѣ́ Твое́й, и вся́ пригла́шати Тебѣ́ научи́в:

Рáдуйся, сто́лпе дѣвства́;

Рáдуйся, дверь спасéния.  
Рáдуйся, Начáльнице мь́сленнаго назд́ания;  
Рáдуйся, Подáтельница Божéственныя блáгости.  
Рáдуйся, Ты бо обнов́ила еси́ зачáтыя стúдно;  
Рáдуйся, Ты бо наказáла еси́ окрáденныя умóм.  
Рáдуйся, гл́ителя смь́слов упраждн́яющая;  
Рáдуйся, Сéятеля чистоты́ рóждшая.  
Рáдуйся, чертóже безсéменнаго уневéщения;  
Рáдуйся, вёрных Гóсподеви сочетáвшая.  
Рáдуйся, дóбрая Младопитáтельница дéвам;  
Рáдуйся, Невестокрасítельнице душ святых́.  
Рáдуйся, Невéсто Неневéстная.

### Кондак 11

Пéние всякое побеждáется, спрострétися тцáщеся ко мнóжеству мнóгих щедрóт Твоих́: равноч́исленныя бо пескá пéсни áще принóсим Ти, Царю́ Святый́, ничтóже совершáем достóйно, яже дал еси́ нам, Тебé вопи́ющим: Аллилу́ия.

### Икос 11

Светопрíемную свещú, сúщим во тьме я́вльшуюся, зрим Святúю Дéву: невест́ственный бо вжигáющи огонь, наставля́ет к рáзуму Божéственному вся, зарéю ум просвещáющая, звáнием же почитáемая сими́:

Рáдуйся, лучé умнаго Сóлнца;  
Рáдуйся, свети́ло незаходíмага Свéта.  
Рáдуйся, мóлние, дúши просвещáющая;  
Рáдуйся, я́ко гром, врагí устрашáющая.  
Рáдуйся, я́ко многосвётлое возсия́вæши просвещéние;  
Рáдуйся, я́ко многотекúщую источáеши рекú.  
Рáдуйся, купéли живописúющая óбраз;  
Рáдуйся, грехóвную отъёмлющая сквёрну.  
Рáдуйся, бáне, омывáющая сóвесть;  
Рáдуйся, чáше, чéрплющая рáдость.  
Рáдуйся, обон́яние Христóва благоухáния;  
Рáдуйся, животé тáйнаго весéлия.  
Рáдуйся, Невéсто Неневéстная.

## Кондак 12

Благода́ть да́ти восхоте́в, долго́в дре́вних, всех долго́в Реше́тель челове́ком, при́иде Собо́ю ко отше́дшим Того́ благода́ти, и раздра́в рукописа́ние, слы́шит от всех си́це: Аллилу́ия.

## Икос 12

Пою́ще Твое́ Рождество́, хва́лим Тя вси, я́ко одушевле́нный храм, Богоро́дице: во Твое́й бо всели́вся утробе́ содержа́й вся руко́ю Госпо́дь, освяти́, просла́ви, и научи́ вопи́ти Тебе́ всех:

Ра́дуйся, селение́ Бо́га и Сло́ва;  
 Ра́дуйся, святая́ святы́х бо́льшая.  
 Ра́дуйся, ковче́же, позлаще́нный Ду́хом;  
 Ра́дуйся, сокрови́ще живота́ неисто́щимое.  
 Ра́дуйся, честны́й вене́че ца́рей благочестивых;  
 Ра́дуйся, честна́я похвало́ иереев благоговейных.  
 Ра́дуйся, Це́ркве непоколебимы́й сто́лпе;  
 Ра́дуйся, ца́рствия неруши́мая стено́.  
 Ра́дуйся, Ё́юже воздвигнутся победы́;  
 Ра́дуйся, Ё́юже низпадаютъ врази́.  
 Ра́дуйся, те́ла моего́ врачевание́;  
 Ра́дуйся, души́ моея́ спасение́.  
 Ра́дуйся, Невесто́ Неве́стная.

## Кондак 13

О Всепе́тая Ма́ти, ро́ждшая всех святы́х Святе́йшее Сло́во! Ны́нешнее прие́мши приноше́ние, от вся́кия изба́ви напа́сти всех, и бу́дущия изми́ му́ки, о Тебе́ вопию́щих: Аллилу́ия, аллилу́ия, аллилу́ия.

Этот кондак читается трижды.

Затем:

## Икос 1

А́нгел предста́тель с Небесе́ по́слан бысть ре́щи Богоро́дице: ра́дуйся! и со безплотным гла́сом воплоща́ема Тя зря, Госпо́ди, ужаса́шися и стоя́ше, зовы́й к Не́й такова́я:

Ра́дуйся, Ё́юже ра́дость возсияетъ;  
 Ра́дуйся, Ё́юже кля́тва исче́знет.  
 Ра́дуйся, па́дшаго Ада́ма воззва́ние;



Рáдуйся, слез Ёвиных избавлѣние.  
Рáдуйся, высотó, неудобовосходима́я челове́ческими по́мысли;  
Рáдуйся, глубино́, неудобозрима́я и а́нгельскими́ очима́.  
Рáдуйся, я́ко еси́ Царе́во седа́лище;  
Рáдуйся, я́ко но́сиши Нося́щаго вся.  
Рáдуйся, звездó, явля́ющая Со́лнце;  
Рáдуйся, ут́робо Божѣ́ственнаго воплоще́ния.  
Рáдуйся, Ёю́же обновля́ется тварь;  
Рáдуйся, Ёю́же покланя́емся Творцу́.  
Рáдуйся, Невѣ́сто Неневѣ́стная.

### Кондак 1

Взбра́нной Воево́де победите́льная, я́ко изба́вльшеся от злых, благодáрственная воспису́ем Ти раби́ Твои́, Богоро́дице; но я́ко иму́щая держа́ву непобедиму́ю, от вся́ких нас бед свободи́, да зове́м Ти:

Рáдуйся, Невѣ́сто Неневѣ́стная.

### Молитвы ко Пресвятой Богородице

О Пресвята́я Госпоже́ Влады́чице Богоро́дице! Вы́шши еси́ всех А́нгел и Арха́нгел, и всея́ тва́ри честне́йши, Помо́щница еси́ оби́димых, ненаде́ющихся наде́яние, убо́гих Засту́пница, печа́льных утеше́ние, а́лчущих Корми́тельница, наги́х одея́ние, больны́х исцеле́ние, грѣ́шных спасе́ние, христиа́н всех поможе́ние и заступле́ние. О Всеми́лостивая Госпоже́, Де́во Богоро́дице Влады́чице, ми́лостию Твое́ю спаси́ и помилуй́ святе́йшия патриа́рхи правосла́вныя, преосвяще́нныя митрополи́ты, архиепи́скопы и епи́скопы, и весь свяще́ннический и ино́ческий чин, и вся правосла́вныя христиа́ны ризою Твое́ю честно́ю защити́; и умоли́, Госпоже́, из Тебе́ без се́мене воплотивша́гося Христа́ Бо́га на́шего, да препоя́шет нас си́лою Сво́ею свы́ше на невидимыя и ви́димыя враги́ на́ша. О Всеми́лостивая Госпоже́ Влады́чице Богоро́дице, воздви́гни нас из глубины́ грехо́вныя, и изба́ви нас от гла́да, губи́тельства, от тру́са и пото́па, от огня́ и мечá, от нахожде́ния иноплеме́нных и междуоубо́ныя бра́ни, и от напрáсныя сме́рти, и от нападе́ния вра́жия, и от тлетво́рных ветр, и от смертоно́сныя я́звы, и от вся́каго зла. Подáждь, Госпоже́, мир и здра́вие рабо́м Твои́м, всем правосла́вным христиа́ном, и просвети́ им ум и о́чи серде́чныя, е́же ко спасе́нию; и сподо́би ны, грѣ́шныя рабы́ Твоя́, Ца́рствия Сы́на Твоего́, Христа́ Бо́га на́шего; я́ко держа́ва Его́ благослове́на и

препрославлена, со Безначальным Его Отцем, и с Пресвятым, и Благим, и Животворящим Его Духом, ныне и присно, и во веки веков. **Аминь.**

**О** Пресвятая Дево, Мати Христа Бога нашего, Царице Небес и земли! Вонми многоболезненному воздыханию душ наших, призри с высоты святых Твоя на нас, с верою и любовью поклоняющихся пречистому образу Твоему. Се бо грехми погружаеми и скорбми обуреваемии, взирающе на Твой образ, яко живей Тебе сущей с нами, приносим смиренныя моления наша. Не имамы бо инья помощи, ни иного предстательства, ни утешения, токмо Тебе, о Мати всех скорбящих и обремененных. Помози нам немощным, утоли скорби наша, настави на путь правый нас заблуждающих, уврачуи болезненныя сердца наша, и спаси безнадежных, даруй нам прочее время жития нашего в мире и покаянии проводить, подаждь христианскую кончину, и на Страшном Суде Сына Твоего явися нам милосердая Предстательница, да всегда поем, величаем и славим Тя, яко благою Заступницу рода христианскаго, со всеми угодившими Богу, во веки веков. **Аминь.**